



REPUBLIKA E SHQIPËRISË
BASHKIA FUSHË-ARRËZ
KËSHILLI BASHKIAK

Nr. 4462 prot.

Fushë-Arrëz, më 27.11.2024



PROCESVERBAL

I mbajtur sot, më 27.11.2024, ora 10:00, në Sallën e Mbledhjeve të Këshillit Bashkiak pranë Bashkisë Fushë-Arrëz.

Në mbledhje marrin pjesë: Kryetari i Bashkisë, z.Hil Curri;

Kryetari i Këshillit Bashkiak, z.Nikolin Bardhoku;

Zëvendëskryetar i Këshillit Bashkiak, znj.Lezina Ceca;

Zëvendëskryetar i Këshillit Bashkiak, z.Bardhok Qafa si dhe
Këshilltarët:

Tereze Dema; Valentina Lleshaj; Besjana Marku; Franc Doda;
Valentin Doçi; Vjollca Tabakaj. (9 këshilltarë nga 15 gjithsej)

Në takim marrin pjesë: Përgjegjësjë e Çështjeve Sociale, zj.
Finete Arifaj;

Elvin Hoxha, qytetar.

Mbledhja kryesohet dhe hapet nga Kryetari i Këshillit Bashkiak, **z.Nikolin Bardhoku**:

Përsëritet që gjithë, në vijim të Njoftimit të datës 21.11.2024 zhvillojmë mbledhjen e radhës të Këshillit Bashkiak. Verifikojmë pjesëmarrjen e cila plotëson kushtet për zhvillimin e mbledhjes mbasi në sallë janë present 50% +1, presim edhe të tjerë. Parashtrohet rendi i ditës:

1. Miratimi i projektvendimit për listën e përfutësve të ndihmës ekonomike nga fondi i kushtëzuar i bllok-ndihmës ekonomike 6 % për muajin Tetor 2024.
2. Shqyrtimi i projektvendimit për rristurimin e Këshillit Vendor të Sigurisë Publike në Bashkinë Fushë-Arrëz
3. Rishqyrtimi i vendimeve të kthyer nga Prefektura.
4. Shqyrtimi i kërkesave dhe ankesave të qytetarëve, institucioneve, etj.
5. Të ndryshme.

Miratohet rendi i ditës me shumicë votash:

9 vota pro

0 vota kundër

0 vota abstenim

Pika numër 1. e rendit të ditës: Miratimi i projektvendimit për listën e përfituesve të ndihmës ekonomike nga fondi i kushtëzuar i bllok-ndihmës ekonomike 6 % për muajin Tetor 2024. Atëherë të referojë zyra dhe komisioni përkatës.

Fitnete Arifaj, Përgjegjëse e Çështjeve Sociale: Siç kemi rënë dakord edhe me Komisionin e Mirëqenjes Sociale, do të kemi një ndryshim vetëm të Bashkia Qendër, ku kemi vendosur të largojmë Rexhep Beqir Hasani, i cili do të riaplikojë të ndihma ekonomike, gjithashtu nuk është në kushtet e plotësuar për të qenë në skemën e 6% . Është larguar për arsye të mungesës së fondit. Komisioni ka vendosë të përfshijë në këtë skemë Hase Selman Selmani, është e ndarë nga djali, jeton vetëm dhe plotëson kushtet për të përfutur nga fondi i kushtëzuar i bllok-ndihmës ekonomike 6% për muajin Tetor 2024.

Vjollca Tabakaj, këshilltare: shtron pyetje për Marte Mark Malaj nga Iballja, pse ka dalë nga sistemi?

Fitnete Arifaj, Përgjegjëse Çështjeve Sociale: Është e punësuar, nuk është me siguracion por është e punësuar. Përpos kësaj ajo ka mosdeklarim page nga kompania ku është e punësuar.

Vjollca Tabakaj, këshilltare: Pse ka dalë nga sistemi? Ajo është nënë e vetme duke rrit fëmijë.

Fitnete Arifaj, Përgjegjëse e Çështjeve Sociale: Edhe pse je në punë mund të aplikosh në skemën e ndihmës ekonomike dhe nga këto të ardhura që mund të marrësh nga rroga apo të ardhura të tjera që ke, del nga skema për pikë të pamjaftueshme.

Franc Doda, këshilltar: Ka një rregull që një herë në tre muaj ne duhet të rifreskojmë listën e përfituesve dhe kështu na jepet mundësia të ndihmojmë të tjerë. Duhet aplikime.

Bardhok Qafa, këshilltar: Kemi persona që janë shumë gjatë që përfitojnë nga kjo skemë e ndihmës të cilët duhen hequr dhe të zëvendësohen me të tjerë me nevoja më të shumta.

Fitnete Arifaj, Përgjegjëse e Çështjeve Sociale:

Nëse i heqim ato, fondi mbetet pa u përdorur kur njerëzit kanë nevojë.

Nikolin Bardhoku, Kryetari i Këshillit Bashkiak: Duhet të rishikohet kjo gjë, ne jemi vend i vogël dhe njohim nëri-tjetrin. Ka person që është të 6%, vërtet është i vetëm, ka pensionin, ka të gjithë të punësuar që e mbështesin dhe pi raki gjithë ditën e më pas thotë jam i sëmurë. Ne nuk mund të bëjmë sikur nuk i shohim gjërat, kjo nuk shkon. Të shpërblehet personi me 6% për të pi raki, kjo nuk duhet të ndodhë. Vërtetë Hasa është e sëmurë dhe me probleme se e njoh. Të rifreskohen personat sepse mund të ketë prej atyre që kanë nevoja më shumë se këta që janë në listat. Jemi në fund të vitit 2024, me fillimin e Vitit të Ri të bëhen riaplikime, të futen të gjithë, edhe këto që kanë qënë të 6% të riaplikojnë. Duhet të shmangim edhe paragjykimet e opinionit se dikush mund të ketë përfutur sepse ka një person të afërt që punon në bashki dhe ka ndërhyrë. Ju zyra përkatëse që jeni të lidhur me drejtorinë përkatëse në Shkodër, duhet të sqaroni rast pas rasti arsyet e përfutimit dhe mospërfutimit të ndihmës.

Kush është dakord t'a kalojmë projektin e Zyrës së Çështjeve Sociale sipas vendimit të Komisionit të Mirëqenjes Sociale, Barazisë Gjinore, Mosdiskriminimit dhe të Drejtave të Njeriut? Miratohet projektvendimi për listën e përfituesve të ndihmës ekonomike nga fondi i kushtëzuar i bllok-ndihmës ekonomike për muajin tetor 2024, me:

9 vota pro

0 vota kundër

0 vota abstenim

Pika numër 2 e rendit të ditës: Shqyrtimi i projektvendimit për rristurimin e Këshillit Vendor të Sigurisë Publike në Bashkinë Fushë-Arrëz, referon, Sekretari i Këshillit, Naze Selimaj në mungesë të përfaqësuesit të zyrës juridike.

Naze Selimaj: Duke iu referuar Vendimit të Këshillit të Ministrave me nr.678 të datës 30.10.2024, " PËR PËRBËRJEN, RREGULLAT MË TË HOLLËSISHME TË ORGANIZIMIT DHE FUNKSIONIMIT TË KËSHILLAVE VENDORË TË SIGURISË PUBLIKE DHE KËSHILLIT KOMBËTAR PËR SIGURINË NË KOMUNITET", zyra juridike ka sjellë Projektvendimin të shoqëruar me Relacionin dhe Projektregulloren për ngritjen e Këshillit Vendor të Sigurisë Publike në Fushë-Arrëz, cili është shqyrtuar nga Komisioni Juridik i Mandateve, Rregullores, Zgjedhjeve, Administratës dhe Strukturave Komunitare. Komisioni ka dalë me një relacion ku me shumicë votash është rënë dakord që projektvendimi të kalohet në mbledhjen e sotme të Këshillit Bashkiak.

Nikolin Bardhoku, Kryetar i Këshillit Bashkiak: Këshilli Vendor i Sigurisë Publike është një Këshill i vazhdueshëm, i cili do të rristurohet në bazë të Vendimit Nr. 678, datë 30.10.2024 të Këshillit të Ministrave. Ndryshimet nga Këshilli i mëparshëm janë përcaktuar qartë në vendimin e mësipërm.

Duke si formalizma por ju e dini shumë mirë që situatat emergjente siç ishin reshjet dhe stuhitë e fundit, realisht duhet që në raste të tilla Këshilli Vendor i Sigurisë Publike të jetë funksional dhe të koordinojnë punën mes institucioneve përkatëse. Ne kemi përpara një Vendim të Këshillit të Ministrave që thjesht duhet t'a zbatojmë. Ne si Këshill Bashkiak kemi të drejtë në një moment të caktuar të kërkojmë nga Këshilli Vendor i Sigurisë Publike një Raport të punës që ka kryer. Kush është dakord për ngritjen e Këshillit Vendor të Sigurisë Publike dhe përbërjen e tij?

Miratohet projektvendimi për ngritjen dhe rristurimin e Këshillit Vendor të Sigurisë Publike në Bashkinë Fushë-Arrëz me:

9 vota pro; 0 vota kundër 0 vota abstenim

Pika numër 3 e rendit të ditës: Rishqyrtimi i vendimeve të kthyera nga Prefektura.

Nikolin Bardhoku, Kryetar i Këshillit Bashkiak: Sa i përket Vendimeve të kthyera nga Prefektura për arsye të mungesës së dokumentacionit të duhur, do t'i adresohen Kryetarit të Bashkisë dhe zyrave përkatëse të cilat duhet të plotësojnë dokumentacionin brenda kuadrit ligjor.

Kur merret një vendim nga Këshilli, në tre muajt e fundit kërkohet një dokument nga zyra vendore e pasurive të paluajtshme të pronave, kërkohet gjendja në tre muajt e fundit për objektin për të cilin bëhet fjalë, sepse ndodh që në tre muajt e fundit mund të ndryshojë pronësia e objektit. Kjo është detyrë e Administratës së Bashkisë.

Pika numër 4 e rendit të ditës: Shqyrtimi i kërkesave dhe ankesave të qytetarëve, institucioneve, etj.

Nikolin Bardhoku, Kryetar i Këshillit Bashkiak: Kemi dy kërkesa pa firmë të personave që e kanë nisë, të cilat zyra juridike i ka konsideruar të parregullta, gjithsesi ne për transparencë po i trajtojmë këto kërkesa ku bëhet fjalë për të njëjtin objekt. Në kërkesën e parë thuhet:

"Unë i nënshkruari Isuf Said Musaj nga fshati Micoj, Pukë, kemi disa prona me letra në Qafën e Sumakullit. Aty kemi tokë, ujë dhe stanet. Këto prona janë mbi 200 vjet me dokumenta. Kemi marrë vesh për ujin e staneve se e kemi shitur për biznes fabrikës Uji Puka. Kërkojmë nga ju të e tërhiqni vendimin se uji është i jonë, sepse ne nuk lahem njëherë në tre muajt në vit por lahem për çdo ditë. Ata që kanë firmosur, nuk kanë pjesë në ujë sepse nuk kanë as tokë e as kullota. Në qoftë se kjo kërkesë bie në vesh të shurdhër do t'i përcjellim letrat për SPAK, në qoftë se nuk zgjidhet në bazë të ligjit, do zgjidhet në bazë të kanunit".

Kërkesa shoqërohet me 15 emra përfshirë edhe emrin e Isufit, ku rezulton se asnjë nga emrat nuk kanë nënshkruar apo firmosur në këtë kërkesë. Kërkesa në fund mban këtë numër telefoni 069 21 91 186 dhe firmën e Kryetarit të Bashkisë.

Në kërkesën e dytë thuhet:

"Unë i nënshkruari Ismet Jaho Musaj nga fshati Micoj, Pukë, kemi disa prona me letra në Qafën e Sumakullit. Aty kemi tokë, ujë dhe stanet. Këto prona janë mbi 200 vjet me dokumenta. Kemi marrë vesh për ujin e staneve se e kemi shit për biznes fabrikës Uji Puka. Kërkojmë nga jut të tërhiqni vendimin se uji është i joni, sepse ne nuk lahem njëherë në tre muaj në vit por lahem për çdo ditë. Ata që kanë firmosur, nuk kanë pjesë në ujë sepse nuk kanë as tokë e as kullota. Në qoftë se kjo kërkesë bie në vesh të shurdhër do t'i përcjellim letrat për SPAK, në qoftë se nuk zgjidhet në bazë të ligjit, do zgjidhet në bazë të kanunit". Kërkesa shoqërohet me 15 emra përfshirë edhe emrin e Isufit, ku rezulton se asnjë nga emrat nuk kanë nënshkruar apo firmosur në këtë kërkesë. Kërkesa në fund mban këtë numër telefoni 068 29 40 303.

Këto shkresajana pa firma dhe pa asnjë lloj nënshkrimi, kjo është një thirrje që çdo gjë duhet të jetë Brenda kornizës ligjore. Kur bëhet fjalë për fond pyjor, është drejtoria e pyjeve që menaxhon dokumentacionin.

Hil Curri, Kryetar i Bashkisë:

Kërkesa nuk ka lidhje me ne, personi na kërkon neve të japim llogari se çfarë bëhet me një burim uji që nuk është në territorin tonë por është në territorin e Bashkisë Pukë. Pra burimi dhe toka ku është burimi janë në pronësinë e Bashkisë Pukë. Burimi, toka dhe 60% e kanalit janë në territorin e bashkisë Pukë.

Në territorin e bashkisë tonë kalon vetëm një pjesë kanali me tubat përcjellës i cili në pjesën më të madhe të gjatësisë së tij shkon për rrugë të makinës.

Besjana Marku, këshilltare: Mos ka dashur të e nisë për Pukë kërkesën ky person e gubimisht ka ardhur tek ne?

Nikolin Bardhoku, Kryetar i Këshillit Bashkiak: Ne për transparencë do të trajtojmë çdo kërkesë apo ankesë të personave që i drejtohen Këshillit Bashkiak. Meqë jemi drejtpërdrejt në transmetim live gjej rastin të shpjegoj publikun se çdo vendim merret nga Këshilli Bashkiak e jo nga Kryetari i Këshillit, në rastin konkret ne nuk kemi marrë vendim për burim uji por për kanalën ku transportohet uji. Ne jemi të hapur, nëse dikush pretendon se një vendim në Këshillin Bashkiak është marrë në mënyrë të padrejtë, personi i drejtohet gjykatës.

Tek ne është sjellë një projekt nga Drejtoria e Pyjeve, jemi shprehur me një vendim për dhënie të një sipërfaqje toke shtet për përdorim një investitori.

Ne nuk mund të pengojmë njerëzit që të bëjnë investime nëse ato janë konform ligjit. Njëjtë është sikur ne të kundërshtojmë apo të pengojmë inestitorët pa u bazuar në ligj, kjo nuk mund të ndodhë, sepse në të kundërt i bie të pengojmë zhvillimin e vendit.

Pika numër 5 e rendit të ditës: Të ndryshme

Vjollca Tabakaj, këshilltare: Çfarë masash ka marrë Bashkia për riparimin e rrugëve së lballës mbas reshjeve e stuhisë së fundit? Rrugët janë copë-copë.

Hil Curri, Kryetar i Bashkisë: Situata është në gjendje shumë të rëndë, kam dërguar projektin e rrugës së lballës, Ministri na ka thënë po, drejtori po, presim tani. Besoj do kemi shpejt një mjet që do të na mundësojë të kryejmë riparimet e nevojshme.

Nikolin Bardhoku, Kryetar i Këshillit Bashkiak: Kryetar, a ka një fond rezervë për rastet e emergjencave civile? Fokusi i Këshillit të Bashkisë është te punët publike.

Hil Curri, Kryetar i Bashkisë: E kemi fondin por e ka bllokuar thesari. Nga fondi rezervë i Bashkisë Fushë-Arrëz dhe fondi i emergjencave civile nuk është prek asnjë lek. Pengesa për këtë vit është thesari.

Besjana Marku, këshilltare: Një situatë e tillë e rënduar mbas reshjeve është edhe në shkollën ku punoj unë. Në shkollën Dardhë 50% e çatisë është dëmtuar nga reshjet e shiut të fundit në shkollë dhe çdo material që është punuar të Enjten për festat e Nëntorit e kemi gjetë në tokë të Hënën kur kemi shkuar.

Hil Curri, Kryetar i Bashkisë: Shiu i ditëve të fundit ka bërë dëmtime të shumta, çdo gjë do të identifikohet, do të ndërhyjmë dhe do bëjmë thirrje ndonjë operatori apo biznesi të na ndihmojë qoftë edhe në mënyrë humanitare, nuk mund të lëmë rrugët e bllokuara.

Nikolin Bardhoku, Kryetar i Këshillit Bashkiak: Nëse nuk ka kush ndonjë gjë tjetër, mbledhjen e deklaroj të mbyllur.

Procesverballi mbyllet me numër të faqes 5.

SEKRETAR

Naze SFIJMAJ



Besjana Marku



KRYETAR

Nikolin BARDHOKU



Barolhok



Qafa

FRANC DODA



Valentina Lleshaj

